



18. januar 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

**1. Naalakkersuisut pilersaaruteqarnerlutik ”malersuisartut” pillugit inatsisiliornissaminnut pisortatigoortumik taaguuserlugu ”palleqqusaannginneq, uninngaqqusaannginneq aamma peersitaaneq pillugit inatsit” Kalaallit Nunaannut atuuttussamik aamma taamatut pilersaaruteqartoqarpat taava qaqugu siunnersuuteqartoqarnissaa pilersaarutigineqarpa?**

(Inatsisartunut ilaasortaq Andreas Uldum, Demokraatit)

**Tungavilersuut:**

Ulloq 17. januar 2012 Folketingimi ilaasortat isumaqatigiillutik palleqqusaannginneq, uninngaqqusaannginneq (nunap ilaani aalajangersimasumi uninngaqqusaannginneq) aamma peersitaasinnaaneq pillugit inatsisissatut ataatsitut nutaatut siunnersuut akueraat.

Inatsisiliornermi siunertaavoq inuit eqqissiviillortinneqarnissaannut, malersorneqarnissaannut akorngusersorneqarnissaannullu illersornerulernissaat, tassunga ilanngullugu malersorneqartillutik. Inatsisinik atortitsinermut ministeri Morten Bødskob (Socialdemokraterne) inatsit akuerineqarmat imatut oqaaseqarpoq:

*”malersorneqarneq inunnut ataasiakkanut tujorminartupilussuuvoq. Taamaattumik angorusoqaara arlaannik iliuuseqarluta akorngusersorneqartut malersorneqartullu illersornerunissaat. Minnerunngitsumik eqqarsaatigalugit inut aaqqissuussamik ataavartumillu malersorneqartartut akorngusersorneqartartullu (stalking). Taamaattumik nuannaarutigaa, ullumi Folketingip tamarmiusup tapersermagu, naleqquttunik ataqatigiissunillu malittarisassaqaalernissarput, immikkoortumi pineqartumi sulinermik pitsanngortitsisussanik”.*

Demokraatini Inatsisinik atortitsinermut ministeri isumaqatigilluinnarparput taamaattumik



kissaatigaarput inatsisip maani nunami aamma atuutsinneqalernissaa. Tamannalu periarfissaqarluarpoq. Inatsisimmi § 26-ata imm. 2-ani imatut allassimavoq: ”Inatsit Kalaallit Nunaannut atuutinngilaq, § 22-ili 23-ilu pillugit immikkulli akuersisoqarneratigut kunngip akuersineratigut Kalaallit Nunaanni atortussanngortinneqarsinnaavoq allanngortillugu kalaallit nunaanni pissutsit pisariaqartitsinerat naapertorlugu.”

Taamaattumik atortussanngortinnissaa ajornartorsoorpasinngilaq. Demokratini neriuutingaarput, Naalakkersuisut iliuuseqapallassinnaajumaartut, maani innuttaasut akorngusersorneqartut inatsisitigut illersorneqarnerat pitsanngortikkumallugu.

Apeqqutit akeqquneqarput piffissarititaasup ullut suliffiit naligninnaasut qulit iluanni.